

Visoki predstavnik odao pocast zrtvama masakra u Srebrenici

Visoki predstavnik, Wolfgang Petritsch, prisustvovao je danas ceremoniji odavanja pocasti zrtvama srebrenickog masakra iz 1995. godine u Potocarima. Tom su dogadjaju prisustvovali hiljade clanova porodica i prijatelji zrtava masakra, gradjanski i politicki lideri iz Bosne i Hercegovine, kao i predstavnici medjunarodne zajednice. Tom je prilikom otkriveno kamen-obiljezje na lokaciji u Potocarima koju je visoki predstavnik odredio za podizanje spomen obiljezja i mezarja zrtava srebrenickog masakra iz 1995. godine. Visoki predstavnik kao i svo njegovo osoblje, izrazili su svoje najiskrenije suosjecanje sa svima onima koji su izgubili svoje bliznje u tom gnusnom zlocinu.

Njihova neizmjerna patnja bice zapisana u historijskim knjigama kao jedna od najmracnijih stranica historije covjecanstva. Pored brojke od 7.412 nestalih kako stoji u zvanicnim podacima MKCK-a ima jos desetine hiljada ljudi koji su izgubili svoje bliznje, koji ce i dalje osjecati bol zbog svog gubitka nakon zla koje je pocinjeno u Srebrenici i koji jos uvijek traze da pravda bude zadovoljena. Spomen obiljezje u Potocarima nece dozvoliti da se taj uzasni zlocin ikada zaboli zlocin ikada zaboravi.

Obiljezavanje godisnjice toga dogadjaja istice cinjenicu da su pravda i pomirenje od kljucnog znacaja za oporavak Bosne i Hercegovine u poslijeratnom periodu. Vlasti u svim dijelovima zemlje moraju pokazati neophodnu politicku volju kako bi se pronasli i uhapsili pocinitelji kako ovog tako i ostalih zločina, tako da zlocinci nece vise moci siriti nepovjerenje i cinizam u zemlji time sto besramno izbjegavaju izaci pred lice

pravde. Visoki predstavnik izrazava nadu da će planirano spomen obiljezje biti putokaz svima onima koji se toga dana sjecaju kroz samo dvije riječi nikada vise.

“Sramno je to što su nakon punih sest godina neki od glavnih pocinilaca ratnih zločina u Bosni i Hercegovini još uvek na slobodi”, rekao je Visoki predstavnik. Još jednom je pozvao vlasti Republike Srpske da izvrse hitna hapšenja i da predaju Hagu sve one koji su optuzeni za ratne zločine, a koji žive na području Republike Srpske, prije svega Radovana Karadžića i Ratka Mladića.

Najkonkretniji vid pravde za žrtve iz Srebrenice bi bio povratak Bošnjaka porodica žrtava u njihove domove u tom području. Ove godine postaje sve jasnije da povratak više nije iluzija. On se desava. Visoki predstavnik zeli uvjeriti sve povratnike da će uraditi sve što je u njegovoj moci kako bi osigurao da sve više i više predratnih stanovnika Srebrenice budu u mogućnosti da si da se vrate u svoje domove i da ponovo žive normalan život. Princip povratka je u samom srcu Daytonskega mirovnog sporazuma i on je preduslov za integraciju tolerantne i multikulturelne Bosne i Hercegovine u Evropu.